



Axudas para a publicación en aberto

destinadas ao persoal investigador adscrito ao Campus Industrial de Ferrol

1. OBXECTO

Esta acción pretende facilitar que o persoal investigador adscrito ao Campus Industrial de Ferrol (CIF) difunda os seus resultados de investigación mediante a publicación en revistas en aberto, de pago, aumentando así a súa visibilidade, a do CIF e, por extensión, a da Universidade da Coruña.

Tamén se busca apoiar á obrigatoriedade de publicar neste tipo de revistas por parte dalgunhas convocatorias de financiamento de proxectos.

Por outra banda, esta acción contribúe a alcanzar o indicador do CIF de número de publicacións en revistas Q1 do JCR.

Por todo iso convócanse axudas para a publicación en aberto en revistas open Access Q1 do JCR para o persoal investigador adscrito ao Campus Industrial de Ferrol.

2. FINANCIAMENTO

O financiamento desta convocatoria, por un importe máximo de 6.000 €, efectuarase con cargo á aplicación orzamentaria 2024 0902 541A (proyecto 00865) do orzamento do Campus Industrial de Ferrol para o ano 2024.

Concederanse axudas por unha contía máxima de 1.000 €.

3. REQUISITOS

Para poder participar nesta convocatoria as persoas solicitantes deberán estar adscritas ao CIF e poderán ser membros permanentes, non permanentes ou en formación. No momento da solicitude, as persoas solicitantes, así como todas as persoas investigadoras adscritas ao Campus Industrial de Ferrol que consten na autoría do artigo, disporán de conta ORCID activa.

No momento da solicitude da axuda as persoas autoras deberán presentar o seu CV detallado actualizado.

As publicacións deben incluír a filiación ao CIF conforme ao establecido nas normas de filiación dispoñibles no Manual de Identidade Corporativa na páxina web do CIF.

Concederase unha única axuda por solicitante e persoa investigadora, a non ser que se dispoña de crédito. Isto inclúe á totalidade das persoas asinantes do artigo.

Estas axudas están destinadas ao pago total, impostos incluídos, do importe parcial dos gastos de publicación en aberto de artigos que se publiquen en revistas listadas no último JCR publicado dentro do primeiro cuartil (Q1), priorizando as publicadas no primeiro decil (D1).

A data de publicación dos artigos debe estar comprendida na anualidade 2024. A data da documentación xustificativa dos gastos incorridos estará comprendida entre o 12 de marzo e o 31 de outubro de 2024.

4. FORMALIZACIÓN DE SOLICITUDES.

O expediente de solicitude incluírá a seguinte documentación:

Código Seguro De Verificación	FKBYwvw1HVuYLxGWr+KC7A==	Estado	Data e hora	
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	16/05/2024 14:05:50	
Observacións		Páxina	1/6	
Url De Verificación	https://sede.udc.gal/services/validation/FKBYwvw1HVuYLxGWr+KC7A==			
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			



1. Anexo I. Solicitude.
2. Documento completo a publicar.
3. Aceptación de publicación por parte da revista.
4. Orzamento ou factura a nome da UDC onde se reflicta o custo da publicación. Os datos da UDC son os seguintes:

Universidade da Coruña
c/ Maestranza, 9
15001 A Coruña (España)
CIF: ES-Q-6550005-J

5. CV detallado

A solicitude de axuda realizarase enviando os documentos arriba indicados ao correo electrónico investigacion.campus.industrial@udc.gal. Ademais, poderá presentarse en calquera dos rexistros que indica o artigo 16 da Lei 39/2015, do 1 de outubro, do Procedemento Administrativo Común das Administracións Públicas, facendo referencia inequívoca a esta convocatoria. As solicitudes que se presenten por procedementos distintos dos previamente especificados resultarán excluídas.

A presente convocatoria permanecerá aberta mentres haxa fondos e ata o 31 de outubro de 2024.

A avaliación das solicitudes de axuda realizarase segundo as indicacións do punto 5 desta convocatoria.

5. SELECCIÓN

Só se financiarán as solicitudes aliñadas directamente coas liñas estratéxicas do Campus Industrial de Ferrol, que son as seguintes:

- Robótica industrial.
- Materiais.
- Optimización de procesos industriais.
- Enxeñería naval e offshore.
- Xestión industrial.
- Desenvolvemento de produto

As solicitudes atenderanse por rigorosa orde de chegada, tendo en conta que se financiará unha axuda por persoa solicitante. Isto inclúe á totalidade das persoas asinantes do artigo.

As peticións adicionais de persoas ás que xa se lles concedeu unha axuda nesta anualidade avalíaranse ao peche da convocatoria, no caso de que exista crédito dispoñible.

Se houberse que discriminar entre máis dunha petición, priorizaranse as solicitudes en función de:

- Que a publicación se realice en revistas listadas no primeiro decil (D1)
- Percentil máis alto na área, coas tres cifras decimais, no JCR e o índice de impacto.
- Que a publicación estea aliñada con algunha das liñas de interese do Campus Industrial de Ferrol onde non se publicara aínda na convocatoria.

6. COMISIÓN DE SELECCIÓN

Código Seguro De Verificación	FKBYwvw1HVuYLxGWr+KC7A==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	16/05/2024 14:05:50
Observacións		Páxina	2/6
Url De Verificación	https://sede.udc.gal/services/validation/FKBYwvw1HVuYLxGWr+KC7A==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





As solicitudes serán avaliadas segundo os requisitos e criterios establecidos nesta convocatoria por unha Comisión de Selección composta polas seguintes persoas:

1. Ana Isabel Ares Pernas, vicerreitora do Campus de Ferrol e Responsabilidade Social.
2. Marcos Míguez González, director do Campus Industrial de Ferrol.
3. Armando José Yáñez Casal, coordinador da Comisión de I+D, Transferencia e Relación coa Sociedade.
4. Técnico/a de investigación do Campus Industrial de Ferrol.

A Comisión poderá solicitar información adicional ao persoal investigador no caso de que o considere necesario.

7. RESOLUCIÓN E NOTIFICACIÓN

Nos 20 días hábiles posteriores á recepción das solicitudes publicarase unha listaxe das solicitudes aprobadas na páxina web do Campus Industrial de Ferrol. Ademais, a avaliación da Comisión será comunicada por correo electrónico á persoa solicitante.

No momento en que se esgote o orzamento disposto para esta convocatoria indicarse na páxina web do Campus Industrial de Ferrol.

8. ACEPTACIÓN OU RENUNCIA

As persoas beneficiarias deberán notificar a súa aceptación ou renuncia mediante un escrito redactado conforme o modelo do Anexo II.

O prazo para a aceptación ou renuncia será de cinco días hábiles, que contarán a partir da comunicación por correo electrónico. De non aceptar neste prazo, entenderase que a persoa beneficiaria renuncia á axuda.

A aceptación da axuda implica a aceptación das condicións de execución, obrigas e xustificación, segundo o establecido na presente convocatoria.

9. OBRIGAS DAS PERSOAS BENEFICIARIAS

As persoas beneficiarias deben:

- Seguir as instrucións para a filiación ao Campus Industrial de Ferrol que se indican no Manual de identidade corporativa dispoñible na páxina web do Campus Industrial de Ferrol.
- Incluír o mérito no seu CV detallado.

O incumprimento destas obrigas dará lugar á perda do dereito á axuda.

10. INCUMPRIMENTO

A eventual ocultación ou o falseamento de datos, así como o incumprimento total ou parcial dos requisitos e obrigas establecidos nesta resolución e nas demais normas aplicables, ou das condicións que, no seu caso, establézanse nas correspondentes resolucións de concesión, darán lugar á revogación da axuda, o que implicará o reintegro das cantidades percibidas na súa totalidade e a prohibición á persoa investigadora adscrita ao Campus Industrial de Ferrol responsable da solicitude para solicitar novas axudas na anualidade.

11. COMPATIBILIDADE E RENUNCIAS

Esta axuda é compatible con calquera outra complementaria para cubrir a totalidade do gasto.

Código Seguro De Verificación	FKBYwvw1HVuYLxGWr+KC7A==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	16/05/2024 14:05:50
Observacións		Páxina	3/6
Url De Verificación	https://sede.udc.gal/services/validation/FKBYwvw1HVuYLxGWr+KC7A==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



No caso de recibir outra axuda, o importe da mesma limitarase ao importe resultante de restar o montante da outra axuda ao previsto nesta convocatoria.

A desadscripción ao Campus Industrial de Ferrol no prazo de execución desta axuda das persoas investigadoras que formulasen a solicitude, dará lugar á cancelación da axuda.

12. PROTECCIÓN DE DATOS

En cumprimento do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos ("Regulamento Xeral de Protección de Datos" ou RGPD), e do artigo 11 da Lei Orgánica 3/2018, do 5 de decembro, de protección de datos persoais e garantía dos dereitos dixitais (LOPD), informamos de que os datos que a persoa interesada facilite mediante a concorrencia a esta convocatoria, serán tratados baixo a responsabilidade da Universidade da Coruña (UDC), sendo os seus datos de contacto Rúa Maestranza 9, 15001, A Coruña, teléfono 981167000, correo electrónico secretariaxeral@udc.gal.

Mediante a concorrencia a esta convocatoria, a persoa interesada consente expresamente na publicación dos seus datos na resolución da solicitude nos taboleiros físicos da UDC e dentro do taboleiro oficial da sede electrónica da UDC, na forma prevista na disposición adicional 7ª da Lei Orgánica 3/2018, de protección de datos persoais. A resolución desta convocatoria permanecerá publicada en tales taboleiros. Os datos persoais serán conservados mentres resulten necesarios para as finalidades do tratamento e, en todo caso, durante os prazos establecidos pola lexislación vixente, sen prexuízo do previsto en relación co exercicio do dereito de supresión e outros dereitos contemplados na Lei Orgánica de Protección de Datos Persoais.

A persoa interesada consente no tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e á limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos.

Tales dereitos poderá exercelos mediante solicitude remitida á seguinte dirección: Secretaría Xeral, Reitoría da Universidade da Coruña, rúa Maestranza 9, 15001 da Coruña ou ao correo electrónico secretariaxeral@udc.gal, coa referencia "protección de datos", a través dun escrito asinado para o efecto achegando fotocopia do seu DNI. Igualmente poderá dirixir esta solicitude directamente ao Delegado de Protección de Datos, á mesma dirección postal anteriormente indicada, ou ao correo electrónico dpd@udc.gal.

Así mesmo, ten dereito a presentar unha reclamación ante a Axencia Española de Protección de Datos (AEPD).

Vicerreitora do Campus de Ferrol e Responsabilidade Social

Ana Isabel Ares Pernas.

Código Seguro De Verificación	FKBYwvw1HVuYLxGWr+KC7A==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	16/05/2024 14:05:50
Observacións		Páxina	4/6
Url De Verificación	https://sede.udc.gal/services/validation/FKBYwvw1HVuYLxGWr+KC7A==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



ANEXO I
Solicitude de axuda do Campus Industrial de Ferrol para a publicación en aberto

 Dirección de envío da Solicitude: investigacion.campus.industrial@udc.gal

Datos da persoa solicitante			
Nome e apelidos			
NIF		ORCID	

Datos da publicación			
Título do artigo			
Data de publicación	Real ou prevista:		
Título da revista			
Autores/as adscritos/as ao CIF	Nome e apelidos	ORCID	

Documentación adxunta (obrigatoria)	
	Copia do texto/artigo
	Aceptación da publicación
	Orzamento ou factura do custo da publicación a nome da UDC: Universidade da Coruña. c/ Maestranza, 9. 15001 A Coruña (España). CIF: ES-Q-6550005-J
	CV detallado actualizado da persoa solicitante

Declaración de fondos complementarios para o mesmo fin. Declaro que	
	NON conto con fondos complementarios para o mesmo fin.
	SI conto con fondos complementarios para o mesmo fin, achegados polo proxecto ou grupo de investigación indicado a continuación:
Grupo de investigación:	
Proxecto:	
Outros:	

Firma da persoa solicitante

Fecha

Código Seguro De Verificación	FKBYwvw1HVuYLxGWr+KC7A==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	16/05/2024 14:05:50
Observacións		Páxina	5/6
Url De Verificación	https://sede.udc.gal/services/validation/FKBYwvw1HVuYLxGWr+KC7A==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





ANEXO II

Aceptación ou renuncia da axuda, e confirmación doutras axudas para o mesmo fin

Dirección de envío do Anexo II: investigacion.campus.industrial@udc.gal

Datos da persoa beneficiaria			
Nome e apelidos		NIF	

Ao aceptar a axuda, a persoa beneficiaria:

- Declarar que coñece, cumpre e acepta as condicións da axuda que se lle concedeu.
- Comprométese a cumprir as normas da convocatoria e desenvolver a actividade que se estimou merecedora da axuda, así como a devolver o importe percibido en caso de incumprimento.

<input type="checkbox"/>	Acepto a axuda nas condicións sinaladas pola convocatoria.
<input type="checkbox"/>	Renuncio á axuda nas condicións sinaladas pola convocatoria.

Confirmación de fondos complementarios para o mesmo fin. Confirmo que	
<input type="checkbox"/>	NON conto con fondos complementarios para o mesmo fin.
<input type="checkbox"/>	SI conto con fondos complementarios para o mesmo fin, achegados polo proxecto ou grupo de investigación indicado a continuación:
Grupo de investigación:	
Proxecto:	
Outros:	

Firma da persoa beneficiaria

Fecha

Código Seguro De Verificación	FKBYwvw1HVuYLxGWr+KC7A==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	16/05/2024 14:05:50
Observacións		Páxina	6/6
Url De Verificación	https://sede.udc.gal/services/validation/FKBYwvw1HVuYLxGWr+KC7A==		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

